

經部

欽定四庫全書

問辨録卷二


詳校官太僕寺少卿臣李廷欽 刑部即中臣許兆椿覆勘

校對官中書臣田尹衡 覆校官編修臣 莊通敏 **腾銀貢生臣金拱閱**

欽定四庫全書 次之四華全書 門辨録 提要 開大學士卒贈太師益文襄事蹟具明史 新鄭人嘉靖平五進士官至禮部尚書文淵 瓦 等謹案問辨録十卷明高拱撰拱字肅 如其首論大學謂新民即明德中事不應 此編取朱子四書章句集注疑義逐係辨 門神塚 經 部 四書類 卿

丘りロノハ 以其賢而責之備則皆確有所見如此之 節用便民非事而何謂孔子之責臧文仲 事而信一章皆言所存而不及於事拱則謂 亦足備参考而廣開見明之中禁士大夫務 冰語意終以朱子之說為圓他如伊川謂敬 之至覺生質之美四字未子可不必加然涵 至其言賢賢易色四事謂能如是必其務學 分之為三綱領不知三在字固願然並列也 類

とこり 自かき 所見時有心得初非故立異同固無庸定 見仁各明一義但于微言與首有所發明則 往往異義至今原不害並行也拱此書自抒 亦不必盡斥羣言堅持門户周易 不可訓至于聖賢經典包括宏深學者見智 以異說相高尊陸攻朱故相抵牾其環薄固 一家之説美乾隆四十二年六月恭校 附辨録 總暴官臣紀的臣陸錫熊臣孫士毅 一經程朱



大ろうる ここう 是一种的时间的一种。 無經傳之說然脉絡自 上於至善 明 髙拱 撰 知至知至而后意誠意誠而后心正心正而后身脩身 誠其意欲誠其意者先致其知致知在格物物格而后 家者先脩其身欲脩其身者先正其心欲正其心者先 物有本末事有終始知所先後則近道矣古之欲明明 知止而后有定定而后能静静而后能安安而后能應 徳於天下者先治其國欲治其國者先齊其家欲齊其 慮而后能得 此至善之所由止也

金与四月至書

以至於庶人一是皆以脩身為本其本亂而末治者否 謂知之至也 矣其所厚者薄而其所满者厚未之有也此謂知本此 磨瑟兮僴兮赫兮喧兮有斐君子終不可喧兮如切如 詩云瞻彼淇澳菉竹猗猗有斐君子如切如磋如琢如 欠三日屋 三十 脩而后家齊家齊而後國治國治而后天下平自天子 此言明德新民條件功夫次第而又揭言其本欲人 之知要也故先日本末後日本末云 問辨録

金万四月石書 赫兮喧兮者威儀也有斐君子終不可喧兮者道威德 磋者道學也如琢如磨者自脩也瑟兮間兮者怕慄也! 皆自明也湯之盤銘曰苟日新日日新又日新康語曰 語曰克明德太甲曰顧誤天之明命帝典曰克明峻德 至善民之不能忘也詩云於戲前王不忘君子賢其賢 其極詩云邦畿千里維民所止詩云緡蠻黃鳥止于 作新民詩云周雖舊邦其命維新是故君子無所不用 而親其親小人樂其樂而利其利此以沒世不忘也康

隅子日於止知其所止可以人而不如鳥乎詩云穆穆 文王於緝熙敬止為人君止於仁為人臣止於敬為人 吾猶人也必也使無訟乎無情者不得盡其辭大畏民 志此謂知本 此承知本而言皆以明脩身為本之意而格致即在 止於孝為人父止於慈與國人交止於信子曰聽訟 所以誠正而脩身者也由是盛德至善民不能忘非 其中何則夫學以格物而致知也自脩恂慄威儀則

大正日日 江北

問辨録

金与巴尼人言 惟當時不忘親賢樂利即沒世不能忘也夫民不能 於邦畿鳥之於丘隅是也而文王敬止則惟日仁日 非脩身之為本數極至也用其極止至善也如民之 即 康誥之克明太甲之顧誤帝典之克明皆自明也明 忘由於盛德至善非脩身之為本數不觀之古人乎 之為本與若乃大畏民志無情不得盡辭則脩身為 新也有自新不已之功而後可以新民可以新命 日孝日慈日信而君臣父子交人之理備非脩身

次定四事全書— 所謂誠其意者以下舊本新本同但舊本無傳之幾章 之説 若日諸皆物也而學以明之非格物數析之既精合 以盡大會諸其本一貫而無遺非知至與故曰此謂 脉絡亦自分明故曰非有錯也曰學之為格致也奚 本愈益可知矣故曰此謂知本前云知本蓋示其的 知本此謂知之至也 始之也此云知本乃證以事終之也文義既有收拾 門辨録

問晦翁云大學之書古之大學所以教人之法也然數 律和聲虞廷之教法也司徒總政令以教萬民樂正 也而又何以為孔氏之書夫司徒數五教典樂教胃 順詩書禮樂以造士周家之教法也與兹皆不類問 子直温寬栗剛無虐簡無傲詩言志歌永言聲依永 可以名書且云大學所以教人之法是成均之訓規 日若然則所謂大學者是天子之成均也而成均何 大學改本

改定四車全書---問辨母 士之適子國之俊選皆與馬未聞其限年也命鄉論 學日俊士俊者才過千人之稱謂其學業之有成也 徒升之學乎固知其非然也且學通上下安得以人 秀士升之司徒日選士司徒論選士之秀者而升之 知其非然也日八歲入小學十五入大學然數日禮 之長幼分為大小比年入學中年考校一年視離經 方十五時學業安能遽成乃由鄉升之司徒又由司 云樂正造士王太子王子羣后之太子公卿大夫元|

金りて 學取友謂之小成九年知類通達强立而不及謂之 農園醫卜歷象干支之類非謂八歲入小學也若然 辨志三年視敬業樂奉五年視博習親師七年視論 大成蓋以次而進非謂孰為小學孰為大學也日然 學所學之大者即詩書禮樂脩齊治平之道故六鄉 則所謂諸侯貢其小學之異者移於天子之小學亦 則小學大學之說謂何曰王浚川云古人論小學如 八歲之童稚乎蓋即農圃等事乃術藝之精者也大

問三綱領然否曰大學止是明德新民而新民亦自明 亦非也夫大人者正己而物正者也所謂大學者學 藝之純者也若學其大則自八歲以至十五其學非 有二本後世乃將小學大學以年大小岐而二之非 古人之義矣兹言良是日大學之取名固謂是數日 可觀君子不由者也固非成均教法之謂矣 為斯人而已矣蓋謂是世間一種大學問非若小道 三歲大比賓與賢能而進於天子之大學蓋德行道

Kandan Kanan

問辨録

問 問知止定静安慮能得何如日謂至善之所以止者如 此善耳止善止此耳非明德新民之外别有所謂止 德中事所謂止至善者乃以足明德新民之意至善 為三也 此乃心學相因之妙非有功夫次第漸次而進也 至善也亦非不止至善可以為明德新民也不可以 明德為本新民為末兩物而內外相對何如日譬之 水然本其源也末其委也自源祖委非兩物也脩己

金分四月子書

文已日日·日本 事而首尾相因何如日大學止是明德新民而明德 至善所由止者非有次第可循何可以始終言也先 措則為齊治平所謂末也起於格致所謂始也迄於 本末始終蓋為此耳知止能得乃是心學相因之妙 新民所以止至善者其功在於格致誠正脩齊治平 後近道何如日尚無八者功夫以何近道然則何如 以安百姓非内外之相對也知止為始能得為終 日此非結上乃以起下脩身為本所謂本也舉此以 問辨録

金万巴四百十十 問釋明德釋新民釋止於至善然否曰格致誠正脩明 格物所謂先也物格而后知至而后意誠而后心正 其家先脩其身先正其心先誠其意先致其知致知 治平所謂終也欲明明德於天下者先治其國先齊 徳之事也齊治平新民之事也知止定静安慮能得 其近之矣 也知所先後而不已其功則至善可止而大學之道 而后身脩而後家齊而後國治而后天下平所謂后 卷一

問明德新民皆欲止於至善何如日大學只是明德而 學在已無預於人者而新民固在其中也若分而為 新民亦是明德中事既曰明德能不新民乎未能新 所由止者知止定静安慮而得此皆自明德言乃心 止於至善新民亦要止於至善是二之也且至善之 民可謂明德乎若曰皆欲止於至善則是明德固要 止至善之事也既已備言之矣而又釋之也何居 則明德之知止定静安慮能得者不待言矣不知

月辛录

問聽訟無訟曰嶽决公明使是非曲直各得其理聽訟 故耳 新民之知止定静安慮能得者當是何如夫成已仁 志是以赴想者各輸其情而是非曲直惟上所决而 莫敢不服無復有騁辭以辯者是無訟也訟者争 也 也成物知也性之德也合內外之道也故時措之宜 ?能也然而無情者猶將騁辭以辯馬無以爭其心 惟聖人德威惟威德明惟明有以大畏民之心

欽定四庫全書

直雖聖人不能也且日必也使無訟乎無情者不得 非曲直不能自决必想於上若使天下皆無是非曲 之子而之舜則堯舜之世不無赴愬之人蓋人有是 無訟則固不自知矣又何以言畏服曰釋本未何如 何處且又日大畏民志是民之畏服之也若謂民自 而自無則所謂無情者當是何人不得盡其辭當是 盡其辭是無情不得盡辭乃無訟也若謂訟不待聽 之謂也日訟不待聽而自無何如日訟獄者不之堯 月岸录

致定四庫全書 -問惡惡如惡惡臭好善如好好色何如日通篇更無好 善惡惡之說晦翁因好惡字遂以為好善惡惡乃使 末然則又以何者釋終始耶 者以自欺其心也母自欺何如彼人之意念至真至 日本末原非條件惡用釋且只因本字遂謂之釋本 凡意念之發皆當至真至實而不可有一毫之不然 泥於其中而不能出然則何如日所謂誠其意者 毫之不然者無如惡惡臭好好色公也凡

問心有所忿憧則不得其正朱子云一有之而不能察 意念之發皆當如惡惡臭好好色之至真至實而無 好好色也本文自明有以攙入之則贅矣 如惡惡臭如好好色非謂惡惡好善之如惡惡臭如 本虚無物則正喜怒憂懼皆心之用若能順應而中 則其用之所行必有不能不失其正者然數日人心 毫之不然方是自慊方是母自欺蓋謂母自欺之

次之四車全書

問雜録

節則所謂情順萬事而無情者雖有亦無也而此心

自ジロノ 問之其所親愛敬畏哀矜賤惡傲惰而辟馬之謂何曰 之廓然大公者固自如馬若一有於心則不勝其意 必固我之私而所謂廓然大公之本體必為之累而 寵有所移則申生殺於驪姬威有所知則扶無死於 言也又何以為用之所行不能不失其正也 不得其正矣此章為正心言曰心有所忿懷則不得 其正者謂心役於物則失其正為心言非為忿懷等 胡亥自古婦乘夫子殺父小加大淫破義孰非起於

情之所偏曰偏之為害止於家平曰無有作好遵王 皇之所以作極而數錫者也不然人有淫朋民有比 之道無有作惡遵王之路無偏黨反側蕩平正直此

身齊家言之 德而天下不可理矣但身之所行必先於家故以脩

問齊治之言恕何也日不止齊治其平天下之道止是 之道忠恕而已矣以齊以治以平不外乎恕所謂 絜矩絜矩即恕也子曰吾道一以貫之曾子曰夫子

問爭民施奪云爭屬其民而施之以却奪之教然數日 問大學不言治天下而言平天下何也日天下之亂皆 言平也 起於人心之不平人心平則天下自治故不言治而 君子有大道必忠信以得之言恕則忠在矣 以貫之者也此曾子之學得其宗也曰何不言忠曰 非也謂爭民之財而先施其奪於民也民豈不以奪 **報我乎故下文即日貨悖而入者亦悖而出**

問仁人於娟嫉之人迸諸四夷不與同中國何若是甚 為容庇以為厚德及其奸惡既稔至於殘害忠良領 維持保護使不為人所中傷而長為國家之利不惟 覆社稷流毒萬姓而無已則所謂厚德者安在故惟 世乃有不識道理務為忠厚之人即大奸臣惡亦由 也日娟嫉之人其害不可勝窮彼黨惡者固不待言 所惡必惡而又為之屏絕點遠使不得中傷善類以 仁人純乎天理至公無私不惟所爱必善而又為之 月年录

問大學何以言生財日此正聖賢有用之學夫洪範八 禍國家是愛固愛也然必能惡而後能成其愛則惡 亦爱也故惟仁者能之曰先儒輵子銘云殺之則傷 而可乎故知殺之則所全者衆義也所以為仁也放 政首諸食貨禹謨三事終於厚生理財王政之要務 仁義不相為用也是故流娟嫉之人亦有傷於仁也 仁放之則害義然歟曰若然是仁則不義義則不仁 則所傷者多不義也亦不可以為仁也

一致定四庫全書—

乎利則義亦利也而徒以不言利為高使人不可以 利之分惟在公私之判尚出乎義則利皆義也尚出 言利為萬乃至使人不可以為國殊不知聚人日財 言聚財之不可矣以為聚財之不可也者豈遂使國 理財日義又日義者利之和則義固未當不利也義 家之無財子生財自有大道茍得其道則財用自足 為國是亦以名為利者耳而豈所謂義哉曾子既極 也後世迂腐好名者流不識義利不辨公私徒以不 月年录

欽定四庫全書: 言利之徒如桑宏羊裴延齡輩徒掊克以逢迎而飲 正不必外本内末而後財可聚也夫生財自有大道 使俗儒不通國體者轉相傳習則其事愈輕甚有誤 周官之重而迂腐好名之人又倡為不言利之說遂 周禮家宰制國用其重可知後世屬之他官既不如 深察而痛絕之也 怨於民國事日去誠所謂灾害並至者人君不可不 則聚財斷不可為務財用之小人斷不可用彼後世

大小司具 在 為劣視之以故有志之士不樂就此不幸就此率志 有所漁獵誅之可也不然均王臣又獨賢勞者乃何 後得遷其遷又劣曰此錢糧衙門也外而運司更甚 於國事如今戸部官勞倍於人然必俸資倍於人而 夫錢糧衙門國用民生所係蓋重任也官此者使其 而民生乃益困彼號清秩者仍復揚揚劣視之以為 之不講不復聞有善理財者矣理財無人國用日感 奪氣沮務支吾了事徒積日以待遷而經制之畧置 問辨録 + 13

貨利之濁官此何理也予昔柄政方欲釐正之未及 問辨録卷 則已如其為國忠謀將必有感於予言也夫 而歸乃發其意於此嗟乎使人臣而不為國忠謀也

金月四月白書

久已9日 ALM 問中庸首章之義日文本聯屬而解有斷複義本渾融 欽定四庫全書 而解涉支離然則何如日意蓋云天之命於人者性 問辨録卷二 有脩道之功馬乃聖人之所以立教也然道之不可 也人之率其性而行者道也然不能皆率其性於是 中庸 明 髙拱 撰

金写口是 人工 睹恐懼不聞而有脩道之功爲然所以戒懼於不睹 之功則吾心乃得其正方喜怒哀樂之未發也一 顯乎此故君子戒慎恐懼而慎其獨也夫有是操養 不聞何也蓋不睹不聞隱矣然莫見乎此微矣然莫 不脩何也蓋道不可離可離非道是故君子戒慎不 是為大本和雖發於吾心然天下之事皆由此處是 謬故謂之和中雖具於吾心然天下之理皆由此出 渾然更無偏著故謂之中中則發皆中節矣無所乖 理

問 ここうこ ここ 實言非感應之說也 獸魚驚成岩是謂天地位馬萬物育馬蓋實理實事 推之四海以範圍天地以曲成萬物無往而非中和 性即理也然數日理者脉絡微密條派分明之謂天 之運用則地平天成六府三事允治百姓泰和暨鳥 外馬者也岩能以是中和推而極之自行已之間以 為達道可見此心之中萬理皆備而天地萬物不能 至於應物之際以施政教以與禮樂以御於家邦以 問婦課

問天以陰陽五行化生萬物氣以成形而理亦賦馬於 是人物之生各得所賦之理以為健順五常之徳所 理者馬亦謂之文性可乎固可識己 無為性存郛廓之中厥惟恒東理隨事物而在各有 理也性乃定名理為虚位性含靈而能應理具體 性也而世有稱倫理者馬亦謂之倫性可乎有稱文 不同謂性即理未敢為然也且性即是理則理即是 下之理皆理也而性字從生從心則人心所具之生 而

多定匹庫全書-

卷二

常之德則不知草木土石其健順五常之德若何若 莫不各有當行之路所謂道也然數曰中庸為學者 謂性也人物各循其性之自然是其日用事物之間 皆物也若謂人物之生各得所賦之理以為健順 犬之性數且盈天地之間惟萬物凡草木土石諸件 之性物有物之性豈以人之性猶牛之性牛之性猶 作皆人理也而伊川考亭動兼人物言之夫人有人 人物各循其性之自然日用事物之間莫不各有 司牌录 五

郵定四庫全書 問脩道之教如禮樂刑政之類然數曰中庸為學者作 通矣 當行之路則不知草木土石其當行之路若何理難 脩道然則何如日脩道乃脩道以仁之脩盖欲人脩 事而即言聖人治天下之法既言治法矣却又言自 欲人循之以入道也今甫言性道乃更不及自脩之 脩之事文理無續固知其不然也且禮樂刑政何為 德以疑道是聖人之所以立教也

問戒懼謹獨分為二然數曰人之有目何以不覩人之 たこり見 遏 當戒懼之意文義自明非可相對言之也存天理之 有耳何以不聞不睹不聞則是冥然而已而又何 無二用克已即是復禮豈一邊克已又一邊復禮乎 本然遏人欲於將萌其説何如曰理欲不兩立人 即所謂獨也謹獨即戒懼莫見莫顯乃是發明所以 致其戒懼之功蓋指幽暗之地人所不睹不聞而言 人欲即是存天理豈一邊存天理又一邊過人 問辨録 四 N

Ar Autor

問程子云只喜怒哀樂未發便是中也然數曰豈有此 乎又即如所言分而為二則戒懼不遏人欲乎謹獨 也 不存天理乎支離甚矣固知分言之對言之皆未當 理人生而静天之性也性之本體也感物而動物至 慎恐懼涵養性源至純至粹則其喜怒哀樂未發只 而人化物則滅天理而窮人欲者多矣學者必須戒 理中涵更無邪津方可謂中中則無不和矣者

金石四月全書

問自戒懼而約之以致中自謹獨而精之以致和中則 育萬物者皆由於此為下文張本也 潛伏可謂中乎不中何和之有日大本達道何如日 達道蓋言天地萬物之理皆具於此而所以位天地 彼常人喜怒哀樂雖是未發然根林所在皆私意之 然數日有一毫之不中不可以言中有一毫之不和 心正而天地之心亦正和則氣順而天地之氣亦順 不徒日本而日天下之大本不徒日道而日天下之

Crud and Little

問辨録

金月四月石量 萬 不可以言和既謂之中謂之和則無不中不和者矣 而又何以言致中和且和由中出謹獨即戒懼者分 聞如人於屋漏之中致其中和何以便能位天地育 Ü 而為二則戒懼致中顧不和數謹獨致和顧不中數 正則位顧不育數氣順則育顧不位數破碎支離 後儒曲說求其理而不得從而為之解者也夫有 可以持循也且聖門言皆實理感應之說自未之 物固又知其不然也曰雖無其事乃有其理曰此

推而極之謂以吾心之中和而體之於身推之於家 族以平章百姓以協和萬邦者也且中庸後章皆以 擴而充之足以保四海也循堯典克明峻德以親九 之宜以左右民是致也故可以位可以育猶孟子言 推之於國推之於天下以裁成天地之道輔相天地 其理必有其事既無其事理於何在然則何如日致 如子之言後有發明者與曰有惟天下至誠能盡其 發明首章之意若以感應言則於後更無發明處日

とれるうう しょとい

問牌録

多定匹库全書-問君子之中庸也君子而時中小人之中庸也小人而 中節而於天下之事處之皆得其當所以中庸小人 其有君子之德而又能隨時以處中也何如日君子 無所忌憚欺天罔人無所不至所以反中庸也曰以 無忌憚也何如日君子戒慎恐懼無時不中則發皆 謂天地位馬萬物育馬者也 謂致中和也及夫人物之性盡而祭贊之功成則所 性以盡人之性以盡物之性以恭天地以贊化育所

問用其中於民先正云取民之中而用之勢養之中即 こう 吾之中也然數日自耕稼陶漁以至為帝無非取諸 言其人耳若謂以其有君子之德而又能隨時以處 咨也豈惟民哉且民言安得便有中雖所問所察之 却無所忌憚又有何者為小人之心 如此以其有小人之心而又無所忌憚也何如日除 中則是以君子為體以中庸為用也聖人之言斷不 人者四目皆所明也四聰皆所達也岳牧九官皆所) . L.I. **問解**

欽定匹庫全書 問依乎中庸逐世不見知而不悔何以惟聖者能之日 善者亦不免太過不及之偏故於是執其兩端而用 庸所謂用中於民者也言亦近之 及也已矣子民如父母有僭但之爱有忠利之教親 其中以為治若謂用民之中則其所取者亦已中 中庸其至矣乎非聖人不能與此固也若夫遯世不 而尊安而敬威而愛註云猶元氣之運妙用無迹中 义鳥用執兩端為也子云後世雖有作者虞帝那可

九二日三 二十 孳而無已此正所謂確乎其不可拔潛龍也非聖人 問者為富貴利達者也不足言也若身逐而名猶彰 問不見是而無問確乎其不可拔潛龍也夫逐世而 彼好名者猶能甘之惟夫身既遯人又不見知此乃 我者其天乎亦若是而已矣 其孰能之子不云乎不怨天不尤人下學而上達知 人之所甚不堪者而能無所怨悔變其所為日有孳 見知而不悔實非賢人以下之所可能易日逐世無 問辩録

金员四月全書 問夫婦愚不肖何如日堯舜周孔亦皆夫婦夫婦何以 愚何以不肖蓋古人言人之微者必日匹夫匹婦如 與知能行指居室言然否曰與之云者謂但有所知 婦之愚者匹夫匹婦之不肖者非夫婦皆愚不肖也 日匹夫匹婦之為該是也夫婦之愚不肖謂匹夫匹 只見夫婦字遂指居室而言然不知夫婦人倫之始 即是知但有所能即是能所知所能便是道也晦翁 萬化之原其道甚大彼愚不肖者何以皆知何以皆

A A. Young Little 1 能且天理各具於人心雖至愚不肖者豈於居室之 儀名物他人所制非問何以得知況既問之後又門 或蹴爾與之食而不受但有些微偶合於理固即是 有時愛其親或有時讓其長或見孺子入井而不恐 類然否曰官與禮其理有在聖人非不知也乃其品 知如孔子問禮問官之類所不能如孔子不得位之 知固即是能固皆道之所在故日與也日聖人所 外更無所知無所能乎然則何如曰彼愚不肖者或 問辨録

者馬固有終古聖人所不能者馬且此段語極透徹 知之乎至於窮通有命孔子之不得位命也非由己 夫婦之愚者不肖者亦有知有能馬若極其至則雖 活潑蓋日道無不該實無窮盡若自一事而言則雖 也不遇也非不能也夫子之得那家者立之斯立道 聖人固有不知不能者矣此道之所以為費隱也文 不能然則何如日道無窮盡固有終古聖人所不知 之斯行綏之斯來動之斯和致治之具固在馬何謂

多厅四屋 全書

問道不遠人日道者率性而已固衆人之所能知能行 者也故嘗不遠於人若為道者厭其甲近以為不足 謂聖人所不知不能如農園百工之事聖人亦宣能 造端於匹夫匹婦之微而極乎天地之大也日伊川 亦淺近乎日若然則造端乎夫婦察乎天地何如日 不亦滞塞乎聖人不知不能為問禮問官不得位不 義相與何等包涵圓動者以夫婦知能為居室之間 知哉何如日愈遠矣

Can Daniel Linkship

問辨録

問君子素其位而行不願乎其外註以行乎富貴貧賤 道也言日庸言行日庸德固不出乎日用之間也而 為而反務為高遠難行之事則非所以為道矣然數 以為道 以已與夫子臣弟友之自反皆本人情非遠人以為 以為天理則非所以為天理也是故治人以人施人 日似未妥然則何如日天理不外於人情若遠人情 勉馬不敢盡馬言行相顧馬即憶憶之君子矣故可

金分四月子書

問中庸為學者作乃言思神之事何居曰意非在於思 שובות ליידור 畫夜非專言水也知微之顯故君子必慎其獨也誠 願乎外者乃以足素位而行之意不可為二也 自得非不願乎外數不陵不援非素位而行數日不 神也蓋即思神以發明微顯之義耳夫微之顯誠之 願乎外然數日皆所謂素位而行不願乎外者也夫 患難夷狄為素位而行以不陵不援不怨不尤為不 不可掩如此夫非專言思神也猶之逝者如斯不舍 問解録

問武王周公其達孝矣乎日此一章大肯下文乃詳言 則久久則徵而博厚悠久之業大誠則形形則著而 明動變化之功成不可掩如此也 聖人則烏用通稱為也然則何如日達者變通不拘 下文全不相蒙且義亦淺近聖人之孝誰不稱之乃 之日達通也天下之人通謂之孝然否曰若然則與 之謂善繼善述是也今只讀本文自見曰武王周公 其達孝矣乎夫達孝者善繼人之志善述人之事者

金江四月 全書

次已日年 在時 得為者亦皆為之承之不惟所不及為不得為者為 謂孝繼述而善馬之謂達非通稱之說也日舜之大 明上下親肆貴賤無不周洽而無非所以仰體先人 之承之雖其所已為有時異世殊不宜於今者亦皆 王之所欲為所已為者為之承之雖其所不及為不 之意是謂善繼人之志善述人之事者也夫繼述之 為之變通之斟酌損益務得其理推行擴充務使幽 也義本明白何用他求日何謂善繼善述日不惟先 問辨録 土

年次日子 人口 問其人存則其政舉日有是君有是臣則有是政矣然 為大孝武周續累世之緒有所承於前則凡所制作 承於前也故特以尊親顯親享宗廟而保子孫者稱 孝顧不達數曰舜以匹夫而有天下凡皆自為非有 通之天下者皆其所繼述也而時勢不同尤有所變 有是君則有是臣而政舉矣故曰為政在人取人以 否曰其人指文武也文武豈可以臣言只是有君耳 而通之擴而大之者故為達孝也 卷二

問蒲蘆沈括以為蒲葦伊川云蒲蘆果羸也言化之易 大小DEL ALES 果羸土蜂腰細有似於蒲蘆故人以為蒲蘆即此而 肖政之祝人宜甚於蒲蘆矣二說孰是曰皆非也世 果贏自有子乃負虫以飼之非以其所負之虫祝之 言則是果贏之取象於蒲蘆非蒲蘆之為果贏也且 稱果贏為蒲蘆考之他書云蒲蘆葫蘆之細腰者也 也螟蛉果羸自是二物但氣類相似然祝之久便能 問辩録 <u>+</u>

金为口及石里 問所以行之者一也一之謂何曰一之言皆也蓋曰皆 耳安知所謂似亦安知所謂我豈亦能人言耶而世 欲學者事必求其實耳 七日而遂化為其子也且似我似我人言也果贏出 人乃為之說如此亦可笑也此無關義理為明之者 所以行之者也本文自明何言之曰天下之達道五 所以行之者三達道謂何君臣父子夫婦昆弟朋友 之交五者天下之達道也所以行之者謂何知仁勇

欠已9月日期 為用而三者為用則同知也者知此者也仁也者仁 誠也而日所以行之者一也言一而不言所謂一為 不明乎善不誠乎身始說出誠字今驀然預指於此 文曾無誠字今突然謂一為誠則為義不明至下文 此空虚無著之説必待後人求其事以實之乎且上 此者也勇也者强此者也故日所以行之者一也日 三者天下之達德也皆所以行之者也蓋五者各自 者誠而已何如日若指誠言何不日所以行之者 問辨録 古四

金岁也是人一 問凡為天下國家有九經所以行之者一也日一者誠 蛇足也 皆以達德而行也因重言故不復言達德而但言所 達德也所以行之者一也而重言以結之謂九經亦 則為言不順舍却本文而别為說以填補之是亦添 勇來上文不云乎好學近知力行近仁知耻近勇 以行之者一耳日何以見是達德日九經原自知仁 也却是否日亦非也此即上文知仁勇三者天下之

問凡事豫則立曰凡事皆欲先立乎誠然否曰亦非也 非所以行之者一也而何 有其事而至此則推本三近之說原始要終而結言 之蓋日始始之終終之不外此也夫非達德而何夫 必先信友信友必先順親順親必先誠身誠身必先 此但言事必貴豫故下文又言治民必先獲上獲 天下國家矣凡為天下國家有九經有其目有其效

斯三者則知所以修身則知所以治人則知所以治

友已日自 E

問辨録

主

金万巴尼石量 問博學之審問之慎思之明辨之為行之日此擇善固 者只由是而學馬則所謂尊德性而道問學則所 執之事千古為學之正路也條件分明工夫切實學 行之者一也日一者誠也之非然也 循為之而有得學無餘說矣正不可空虛無據徒為 博文約禮則所謂惟精惟一者即在於此教之而可 空中之樓閣而卒無所有於身心也 明善皆豫定之意也蓋至是始言及誠耳故知所 老二 謂

問自誠明謂之性自明誠謂之教解曰自由也然否曰 次之四車全書 謂道原道之所 謂道自然者也即誠明謂之性也修道之謂教勉然 言則謂之教非由此至彼之說也日世有謂率性之 由 由者由此以至彼也若謂由明以至誠也則可若謂 者也即明誠謂之教也然否曰未敢為然夫率性之 者自夫誠而明者而言則謂之性自夫明而誠者而 誠以至明也不亦好乎夫有誠而明者有明而誠 由出也誠明謂之性謂 問辨録 性成之聖也 <u>+</u>

問誠者自成章曰誠者人之所以自成者也由是而之 者加之名者也故不同 脩道之謂教原教之所由立也明誠謂之教謂遵教 之賢也故不同且之謂云者原其所以名也謂之云 誠 蓋誠者事之所以成始成終者也故誠則能成若不 馬之謂道亦所自行非有待於外也誠何以為自成 以自成也然誠者不止自成而已所以成物也成已 E 則無物矣何成之有所以君子誠之為貴而務有

問誠者物之所以自成如何日是謂萬物皆以實理而 待於外也 措之而皆得其宜也故曰道自道也率性者也非有 有分於內外也故人患不誠耳誠則仁此也知亦此 成物雖有內外之殊然成已仁也仁所性也成物知 也成已此也成物亦此也於已於人為仁為知以時 以為仁也自成物而言則為知仁之所以為知也非 也知所性也性一 也但自成已而言則為仁知之所

次足り車全書一

問辨録

1

問天下之物皆實理之所為故必有是理然後有是物 金ピノロノノニー 成也若然則人之生也已自備此實理又烏用思誠 庸為學者作而釋者動以物言殊為亂雜耳然則何 為也且誠以物言道以人言文既不聯義亦難合中 者也於學者何與蓋誠者物之終始不誠無物乃以 萬物得實理以生理盡而死乃造化所以始終萬物 如日自成即成已下文明言之矣 所得之理既盡則是物亦盡而無有矣何如日是謂

問至誠無息章曰此章兩段文義中問語意各各相承 J. 1 ... J. J. ... 孝實心為弟乃成其弟始始之終終之不外此也非 弟可謂弟乎非無物而何故曰明自成之意也 之物手曰明自成之意何如日如實心為孝乃成其 自有脉絡而釋者頗覺亂雜令人無尋冤處請言其 物字遂為造化所生之物則大學格物亦造化所生 明自成之意謂事必以誠而成不誠則不成也今因 物之終始而何若不實心為孝可謂孝乎不實心為

畧曰至誠無息不息則久言德之藴也久則徴則悠 **遠則博厚則髙明言徳之著也載物覆物成物言徳** 天地之道以見聖人所以同天地之意天地之道可 然者也至此而聖人之能事畢矣此一段下文則言 而成乃贊辭也盖赞其神化之妙不見其迹不知其 廣運如此則同乎天地也不見而章不動而變無為 之著者其用乃如此也配地配天無疆言聖德之用 言而盡也其為物不貳則其生物不測此天地之

多定匹庫全書

者可知矣覆馬載馬與馬生殖馬此天地之覆載成 而成者也此又一段 者可知矣如此者皆所謂不見而章不動而變無為 物也而聖人之覆載成物者可知矣天命不己文王 可知矣天地之道博也厚也高也明也悠也久也此 至誠無息久則徵也而聖人之至誠無息久則徵者 天地之博厚高明悠久也而聖人之博厚高明悠久 統亦不已此聖人之同乎天也而配地配天無疆

問博厚所以載物也髙明所以覆物也悠久所以成物 保民如云怙胃如云光被四表格於上下如云久於 覆物悠久成物乃聖徳之用未與天地並言如云容 無疆此言聖人與天地同體何如曰博厚載物高明 也此言聖人與天地同用博厚配地高明配天悠久 其道而天下化成皆聖人事也何當便說天地然惟 物也髙明聖人之所以覆物也悠久聖人之所以成 如此所以配乎天地耳蓋日博厚聖人之所以載

郵定四庫全書--

次定四車全書 一 言所以到配天地處自說不去乃以為與天地同體 本自明白活潑而註者見覆載字即以同天地之用 他用也是他如所謂莫不尊親故曰配天者也語意 配乎地之博厚矣覆物莫如天今日高明覆物則聖 物也然載物莫如地今日博厚載物則聖人之博厚 頗涉破碎支離若然則是天地聖人惟有高厚悠久 久成物則聖人之悠久配乎天地之無疆矣體也是 人之高明配乎天之高明矣成物莫如天地今日悠 問辨録 : 干

١ 1

金グロル 之體故有覆載成物之用也而可乎然則何如日體 髙厚悠久覆載成物其著見也為物不貳天地之體 其存主者也用其著見者也至誠無息聖人之體也 厚悠久與天地同用可也但語意原是渾然不必分 知其不然也故謂至誠無息與天地同體可也謂高 於外者所積者所發者而顧配天地之存主者與固 明 也高厚悠久覆載成物其著見也若以博厚配地高 配天悠久無疆為與天地同體則豈聖人以其驗 卷二

次定四車全書 一 問不見而章以配地而言也不動而變以配天而言也 亦不然蓋上成字同覆載言謂成就乎物也此成字 博厚者固不變數惟一成字有類上文之成物而義 無為而成以無疆而言也然數日不見而章何以專 疆不相蒙尤不可以屬也然則何如曰蓋云聖人之 同章變言謂道化之成也既與成物不相照亦與無 屬配地高明者固不章歟不動而變何以專屬配天 言之耳 -問辨録

金グロル 問尊德性而道問學何如日道由也尊德性而由於問 問禮儀威儀曰道之入於至小而無間也然否曰中庸 盛德大業所以覆載成物而配乎天地者皆是不見 而章不動而變無為而成者也總贊之辭 周編充足有餘若此乎其優優大也非可以小言也 明言大哉聖人之道又曰優優大哉禮儀三百威儀 三千何以强謂之小且禮儀威儀何以至小何以入 何以無間蓋言道之散見於人倫事物之間者廣博

20 10 m 1.L. 學也非問非學何以能尊德性日存心而極乎道體 心以知新為致知知新由於温故知非有功夫也敦 牵拘比對且温故知新自是一事何乃以温故為存 **微道中庸知新崇禮皆致知之屬也此為道問學何** 之大致知而盡乎道體之細何如日道之細者固無 極高明温故敦厚皆存心之屬也此為尊德性盡精 預於存心無道之大者固無預於致知無日致廣大 日聖賢立言只要理明意盡非若後人執泥文辭 門牌隊 Ŧ

敦厚為存心以崇禮為致知豈不破碎而理不完滞 既要廣大又要精微既要高明又要中庸又要温故 厚崇禮亦自一事以用也謂忠信以學禮也何乃以 循耳不意後人之牽合而離析之也曰非存心無以 知新又要敦厚崇禮蓋詳言以盡義欲學者有所持 隔而義不通乎然則何如曰君子尊德性而道問學 知心之當存又何以得存心之要而為之乎大學 知而存心者又不可以不致知何如日非致知何

對定匹庫全書

卷二

フ・シー! ここ 者又不可以不明善豈不倒乎日世儒有云道問學 是行未有知而不行者也不行不可以為知也其說 即是尊德性博文即是約禮明善即是誠身蓋知即 誠正者又不可以不格致非誠身無以明善而誠身 存心者又不可以不致知則是非誠正無以格致而 庸不明乎善不誠乎身矣若謂非存心無以致知而 云物格而后知至知至而后意誠意誠而后心正中 如日愚聞之孔子云知及之仁不能守之雖得之 問弊课 Ŧ

多定 匹库全書 守故並其所得而失之若謂知即是行不行不可以 必失之夫天下固有知及而仁不能守者馬惟不能 為知則是知及即是仁守不能仁守不可以為知及 尊馬信馬循而入馬不感於異說而遷馬道其弗畔 者其良能也今遺其半而專用其半與孟子之言不 孟子云人之所不慮而知者其良知也所不學而能 也與孔子之言不合吾不敢從日良知之說何如日 合吾不敢從然則學者當何如日孔孟之訓固在也

問王天下有三重馬其寡過矣平日此一章大旨下文 矣夫 善者如何但有此三者便能寡過日程伊川云三重 者孰不議禮制度考文議禮制度考文有善者有不 乃詳言之日三重謂議禮制度考文是否日有天下

次已日年七 是三王所重之事上馬者三皇之事故無證下馬者 家不殊俗而民得寡過矣是否曰其指王天下者言 五霸之事故不尊然與日未敢為然也日國不異政 問辨録 古山

問卒章之義日卒章與首章相應其理微容學者須潛 難得者位難遇者時三者無馬故為三重言於所難 非言民也何以謂民得寡過然則何如日難有者德 道則本諸身徵諸庶民以考三王以建天地以質思 有者而有之也有德則善則非愚而自用有位則尊 望近則不厭若是乎其盡善也夫何寡過如之 則非賤而自專有時則有徵則非生今反古是故其 神以俟百世動世為道言世為法行世為則遠則有

誠意故日可與入德矣內省不疚無惡於志則慎獨 顯是謂知本知本而幾可審也慎獨所以審幾所以 務實務實而意可誠也知遠之近知風之自知微之 卒章工夫始諸立心著其本也故可以入德日入德 故終之首章工夫始諸慎獨舉其要也故可以脩道 何如日只是慎獨夫淡而不厭簡而文温而理是謂 其始也故始之卒章天載蓋言聖之極致要其終也 心玩味乃得何言之日首章天命蓋言道之本源遡 問辨録

東色四年七十二

壴

金少日人 問知風之自何如日風即風俗之風所以鼓舞乎人者 諸中者也而未發之中可識已不賞民勸不怒民威 之驗也下文何如日不動而敬不言而信成德也有 以至乎為恭而天下平則中和位育之功也然首章 也鼓舞乎人必自身始風之自也 辨録卷二 育卒章言天下平則天下之平即是位育固知 理實事實言非感召之說也

欽定四庫

對校官太僕寺少卿臣李廷欽 刑部即中日許兆椿覆勘

校對官中書臣田尹衡 覆校官編修臣莊通敏 **腾録貢生臣金拱間**

亦分內耳若能識得真境到得實際則 温何以為君子日學本已事何與於 人知也何為日在聖門則誰 于下學上達不怨不尤亦只 髙拱 撰

到近四库全書: 問吾日三省吾身先正以為曽子於人倫之大者自覺 皆已無愧無俟省也故特省此三者然否日學者造 請愈深則省察愈密曾子雖賢安敢自謂於人倫之 第一義者也 中也故曰遯世不見知而不悔惟聖者能之夫聖門 如此所以用含行藏惟其所遇蓋皆應迹無所繫於 之學始諸立心立心只在為已故門人首記馬所謂 大者皆已明盡而不復省乎蓋所不待言者也惟是 卷三

問敬事而信節用而爱人使民以時註云此言所存耳 **プロララ シェニー** 諸事皆言所存未及禮樂刑政夫禮樂刑政為治之 存所施舉在於是安得云未及為政也 未節爱乎時使只在心而所行者尚未時使乎蓋所 具又何待言今以五者但言所存則豈以敬信只在 未及為政也何如日此出程説伊川書云敬事以下 心而所行者尚未敬信乎節愛只在心而所行者尚 三者人所易忽故特言之以自警耳 問辩録

問子夏日賢賢易色事父母能竭其力事君能致其身 為於人倫如此不學而能之乎雖日未學吾必謂之 與朋友交言而有信雖曰未學吾必謂之學矣謂何 學不見道徒守成心乃由説苛求以為窮理但見是 學矣與雖日不要君吾不信也意同謂必由於學也 日此子夏論學之旨最為切實蓋日學以明倫若能 日吳氏以為其流之弊將必至於廢學然否日後儒 孔子之言雖有所不能知者亦必强為之解失其本

到 员也库全書

卖也者幾希凡若此者非惟不足明道亦且有病於 為之猶賢乎已使非孔子之言其不以為有取於博 學之本而吳氏反為廢學之弊何居不有博奕者乎 旨者甚多至於諸賢以下之言稍有抑揚便加刺駁 意只云能是四者必其務學之至雖或以為未當為 務學之至何如日加一生質之美便非子夏論學之 而更不求其意之所在抑亦過矣夫子夏示人以為 心學者所宜深戒也日晦翁云茍非生質之美必其

次已日本人

問辨録

金ガロメノニ 問父在觀其志父沒觀其行三年無改於父之道可謂 學我必謂之已學矣乃子夏論學之意也 孝矣註云父没然後其行為可見故於此可以觀其 道非所論於善惡也善惡自有定理善必可為惡必 然則所行雖善亦不得為孝也然否曰此言孝子之 踵而行之以成其惡耶易日幹父之蠱有子考無咎 不可為父有不善即其在日獨當幾諫而請改况可 人之善惡然又公三年無改於父之道乃可謂孝不

故其言自背馳耳曰游氏謂當改而可以未改者耳 為孝數日尹氏謂如其道終身無改如其非道何待 是否日此不惟泥於善惡之說而又泥於三年之說 否曰既云如其非道何待三年又云孝子之心有所 三年然則三年無改者孝子之心有所不恐故也是 各若曰所為雖善亦不得為孝則無乃以承考之惡 日考則父非在也蠱而幹之乃為有子有子考乃無 不恐則無乃以不恐而踵惡敷蓋惟泥於善惡之說 1 : : : 司岸承

然聖人謂其三月不違而後儒謂不能無違於三月 穀也如云五十而慕非謂五十之後不慕也聖人謂 後改也如云三年學不至穀非謂三年之後可至於 者也日三年無改者但言其久而不改非謂三年之 年之說故云當改而可以未改日當改證其三年之 之後則亦失其意矣然惟其泥於善惡而又泥於三 三年無改而後儒謂三年之後改猶之三月不違者 後改也日可以未改證其三年之內姑未改也乃求

欽定四庫全書-

從有違一人而有厚有薄以至居室之所安臧獲之 無改何難日談何容易夫人各不同馬如一事而有 為孝言父没自專時也得自專故可觀其行馬若改 其理而不得曲為之說者也日然則何如日此章專 順適已意而任其所便不服顧其親矣惟孝子實有 謂何日道行也謂平生之所常行者也日常行之事 所用即父之於子不能同也人至得自專時則便要 父之道是為忘親三年無改則可謂孝矣曰父之道 問解译

一致定匹庫全書 一 子之孝也其他可能也其不改父之臣與父之政是 不恐死親之心哀慕誠切故一出言如親在一舉足 難能也夫莊子之父獻子也獻子賢大夫所行必善 心如有傷於父意故不能改馬豈不為孝子云孟莊 如親在凡厥所行皆如親在少有易其平日便覺漏 政所用必善人自當無改然猶以無改為難則三年 敬亦敬之至於犬馬盡然而况於人乎此孝子之行! 無改可易言哉古云父母之所爱亦爱之父母之所

問禮之用和為貴註云和者從容不迫之意然數日從 容不迫言不急遽耳豈以禮之用但不急遽即為貴 為改過之改故其言不能自達但謂雖惡亦不改則 之為體雖嚴而其用則以和為貴然數日多一 流同化天地之和也觀此而禮和之說可知矣日禮 數夫和謂情意之流通也高下散殊天地之禮也周 為害不小故特為明之耳 三年無改之說也聖人說改為改變之改而宋儒以 一體字

次已日華白島

問辨録

金岁日月月 問志學以至從心程子云孔子生而知之也言亦由學 其理未瑩夫用猶行也觀下文有所不行亦不可行 貴哉故和以成禮之不雜禮以成和之不流文與情 弟之爱治斯不讀者為美不然亦乖睽而已矣何足 可知蓋日禮之行也固嚴然必以和為貴和斯美云 偕非謂嚴為體和為用用有不行又以其體節之也 用數然必君臣上下之情通斯森然者為美父子兄 爾如君臣上下之森然父子兄弟之無濱嚴非禮之

知安行固無積累之漸然其心未當自謂已至此也 立法使之盈科而後進成章而後達耳然否日已則 乎則有如衛武公九十猶學者馬則七十之後又將 立法則有如顏子三十而亡者馬豈遂不得為聖學 不如此也且人之資禀不一年壽不齊如必限年以 何所持循乎固知立法之説非也日朱子云聖人生 不然徒勉後人為人立法乃托諸已殊非情實聖人 而進所以勉進後人也又云聖人未必然但為學者

次已日年 上

問辨録

<u>+</u>

金ダロガノニー 學也豈以夫子從來上達徒然下學而更無所達乎 聖人望道未見子云下學而上達又云不如丘之好 然否日聖雖生知安行亦自有學若謂無積累之漸 無所益乎蓋生知安行者聖人也生知安行而猶學 則無乃十有五時即從心不踰矩乎天下之理無窮 之謂何日見理定世變弗能移析義精疑似弗能眩 此聖之所以益聖也其學不已其進亦不已也不感 又豈以夫子始已如此徒然好學而終亦止是如此 卷三

了更無次第何其疾也今乃於知命之後垂二十年 盡性以至於命云才窮理便盡性至命三事一時並 從心不踰矩時方是至命然乎曰先生平日說窮理 憂知天命也日伊川云五十知天命而未 至於命待 故留至命以訓從心然不知耳順從心乃言其愈久 加者也伊川見夫子知命之後猶有耳順從心之説 始為至命又何遲也蓋至命乃學問之極功無以復 知天命之謂何日窮理盡性以至命樂天知命而不 引甲录

言知命然否日天是箇甚命又是箇甚知命即是知 之云也要之窮理盡性以至於命儘有次第功夫曰 默會之當必有悟也日伊川又云聖人樂天則不須 命日當在二十年後亦不宜如此之遲學者深思而 而愈熟非知命之上别有增加如窮理盡性以至命 天不言知命所樂謂何且知命云者不徒知其理而 已實有順馬安馬之妙不須言知命是不須言順不 時並了既不宜如此之疾而孔子知天命即是至

致定四庫全書

有言遜於志有言逆於心皆得入之其是非自在而 而其不當理者即有拂然不納之意故曰有言逆於 之言也人之道德未純則於言之當理者固樂聽矣 拒却亦無容留也日聲入心通無所違逆然否曰豈 於物無擇妍強在彼各甚分明而吾之本體自如無 心不為動初不覺其逆耳也是為耳順如鑑之至明 汝心聖人至是道德純粹仁義充滿其心至虛至平 須言安也而何以樂天乎耳順之謂何曰謂無逆耳 男牟录

欽定四庫全書 問孟懿子問孝聖人既告以無違矣何又與樊遲言之 之熟也 以未六十時聲入尚有未通必待思而後得乎從心 所欲不踰矩之謂何曰動容周旋中禮盛德之至權 能問故又發於樊運耳觀此甚可以得春秋之義曰 理也懿子問孝夫子以無違告之意其能問也而不 日聖人之言須明且盡不盡不止蓋恐人之不得其 何謂也日春秋亦自明白直書其事耳非隱約其義 卷月

次已日年七十二 問父母惟其疾之憂何如日孝之道大矣然取數也多 違之一言有所未明亦必有以明之乃於春秋之書 作為隱語使萬世之下求之而不得其故耶若日吾 是求之愈深而去聖人之意愈遠然不知聖人於無 止乃故深求其義於一字之間如俗之商謎者然於 於一字之間也而後儒以為聖人之書不當如是而 只說箇無違憑人理會則非所以為聖人矣 惟疾之憂乃孝子之心最真切處學者最宜體會如 問辨録

金罗巴人人 問退而省其私亦足以發聖人於顏子亦待省而後知 曾子臨終猶於手足樂正子傷足三月猶有憂色皆 此意也是故孝子不登髙不臨深道而不徑舟而不 游不敢以遺體行殆貼父母憂也是故泣官不莊非 孝也事君不忠非孝也交友不信非孝也戰陣無勇 愛身莫非體父母之心莫非所以為孝 之心便是純然天理充之何所不至凡所云為莫非 非孝也不敢虧行辱親贻父母憂也即此一念真切 卷三

問知之為知之不知為不知是知也何如日此是為學 數日非也其喜之也深故其稱之也婉

掃去塵翳超然直截而言之則學者亦宜掃去塵翳 主本學者最宜理會何以故曰人心自有本然之明 聞見而本然之明反為之蔽故聖人直指知之本體 但任其昏塞者既不足言而從事於學者則又弱於

之理無窮雖聖人亦有所不知馬固非必無所不知 求其超然直截之旨而得吾心之本體可也蓋天下

次包四軍全書-----問辨録

言彼明知其不知而昧其心以為 故 惟是於所知者即以為知所不知者即以為不知則 而 此 則無自欺之蔽是否曰非也知以明暗言欺以誠 始謂之知也亦非必有所不知而遂謂之不知也 日是知也非必盡知天下之理以為 心不昧乃自然之明覺知固即 暗而不明耳何為自欺是知也者謂其明非謂 非 不 明也 惟夫本自不知而其心實以為 此而在無俟他求 知者謂之自欺是 知也日如此 知是 偽

J. 12 1.1. 之為知之不知為不知便就是知何以云不害其為 知耶日况由此而求之又有可知之理是否日又多 誠也日雖或不能盡知亦不害其為知是否日孔子 數日固也乃其告子路之言則又自有理譬之食以 畫蛇添足失其意矣日孔子不多聞而擇多見而識 得聖人超然之古纔說本體已即涉於聞見矣夫知 恐人狗於聞見故直指本體而言後儒學未整徹不 乎哉考亭務多聞見故於聖人直截之言之外為此 目岸承

問子張問十世可知聖人告以三代之禮謂何日子路 **郵定四庫全書** 聞見之主賜也女以予為多學而識之者與曰然非 穀氣之意矣且聞見之知乃德性之資德性之知為 無存則失其所以為主者矣聖人於此直求穀氣正 穀氣為主而肉味所以佐之者也若純是肉味穀氣 之盡不盡求有可知不可知 數日非也予一以貫之夫其一以貫之也又何論知 不必言肉味也而乃復以肉味言之則失其所以求

問人而不仁如禮樂何日禮云禮云王帛云乎哉樂云 ... 禮 樂云鐘鼓云乎哉禮極順樂極和斯須不順則慢易 亦不外是也日三網五常禮之大體三代相繼皆因 非帝王相因之禮也日夏禮殷禮者謂夏之禮殷之 夫子告以往皆以抑其泛問遠思之弊然要之至理 問事鬼夫子告以人問死夫子告以生子張問知來 之而不能變是否曰三綱天下達道五常天下達德 也 引岸录

問禮與其奢也寧儉丧與其易也寧戚宋儒謂儉戚乃 本哉姑儉且戚儉戚而後本可求也周衰禮壞儀文 之心入之矣斯須不和則鄙許之心入之矣夫不仁 道哉姑至于魯至魯而後道可望也夫奢易豈可求 禮之本然數曰非也此聖人姑示以意而未言其實 也而顧能順乎而顧能和乎信其如禮樂何 也如云齊一變至於魯魯一變至於道夫齊豈可望 繁縟實意蕩然夫子蓋傷之馬故既大林放之問而

久已日日上上日 · 戚而已乎日又不然也不日致孝思神者乎然役志 野即是而觀則禮之本可識也日得禮之本者固儉 之為丧者易矣然與其易寧戚可也蓋禮失而求之 即晓之日今之為禮者奢矣然與其奢寧儉可也今 成不如飲手足形之為孝也故日國奢則示之以儉 為主否則東隣殺牛不如西隣之榆祭也不日不以 國儉則示之以禮蓋豐約適宜之謂禮戚而有節文 天下儉其親者乎然致哀為主否則石槨三年而無 問辨録 古

金与巴尼白量 敬而誠若有美而文而誠若又曰附於身附於棺必 馬之謂禮然而皆非本也禮之本固有在也日禮之 誠必信勿之有悔馬耳矣皆忠信之謂也儉戚之去 本謂何曰忠信禮之本也禮云有所竭情盡慎致其 忠信也近奢易之去忠信也遠以儉戚之心而求忠 也日戚非忠信與日樂正子春之母死五日而不食 信也易以奢易之心而求忠信也難是故聖人云爾 日吾悔之自吾母而不得吾情吾惡乎用吾情故歡

問周監於二代郁郁乎文哉吾從周謂何曰禮至周始 大三日年七年 一 忠信也 備監於二代則既備而又善故夫子美其文而從之 於心則何以尚使忠可尚而能也則其誰不願忠者 夏尚忠商尚質周尚文自古記之矣不然平日不然 粥面深墨颜色之戚哭泣之哀皆所謂戚也用情則 也尚者有心以崇尚之者也質與文猶可尚也忠本 日周尚文其即謂是數日文安可尚周安得尚文日 問辨録 左

金号电差人 為尚質乃般人不知也知其質則不可以為質也至 虞之世民心之淳實猶在馬自後世視之則見其忠 周則人心又不同矣又不同則禮有不得不備者矣 風之朴畧猶在馬自後世視之則見其質也而遂以 為忠也至殷則民心有不同矣然繁文縟禮未生其 也而遂謂之尚忠乃夏人不知也知有忠則不可以 乃又變而為質又變而為文乎然則何如日夏接唐 是故有交際馬則有禮以節之懼其或瀆也有儀物 卷三

是而觀不止商質夏未當不質即處亦未當不質也 維世道馬耳人但見其禮之備也而遂以為尚文而 離也諸若此者委到周至無所不致其詳皆所以網 禮使不得為偽也人心有離則聯之以禮使不得為 馬則有禮以制之懼其或繁也人心有偽則防之以 文至矣虞夏之文不勝其質殷周之質不勝其文即 不知時之所至蓋有不得已者也曰三代異尚非聖 人言數日非也後人之言也子云虞夏之質殷周之 **月** 單录 +

學周禮今用之吾從之為下不倍之義也 備於民周人强民未瀆神而爵賞刑罰窮矣又日虞 然則孔子何以美周之文而從之日孔子周人也吾 矣日此真孔子言數日亦未可知也理則近之矣日 夏之道寡怨於民殷周之道不勝其敝則其理可識 不求備不大望於民民未厭其親殷人未讀禮而求 以尚為也日其得失大較何如日子云夏道未瀆解 不止周文即商亦未當不文也皆時之變為之而何

郵定四庫全書

卷月主主

問子入太廟每事問或日孰謂鄒人之子知禮乎入太 者 是知而不問不可以為謹矣而可乎然則何如日蓋 廟又每事問豈不迂濶可笑敷若有一日之不問 亦問為謹之至則必今日入太廟每事問明日入太 矣雖知亦問謹之至也然否曰此曲說也若以雖知 廟每事問子聞之日是禮也尹氏以為禮者敬而已 不知而問也日聖人亦有不知者乎日禮之所可知 理而已若夫器數陳設登降周旋乃是人所制者 月中录 ţ 則

欽定四庫全書 或人等皆不足以知聖人也日朱子云敬謹之至乃 問耳或人之意曰孔子聖人無不知者也乃何不知 聖人語意然則何如日不知而問乃所以為禮也猶 所以為禮也何如日亦與雖知亦問者不甚相遠非 而亦問然不知聖人實是不知而問尹氏之見亦與 而 非問何由得知蓋孔子始任之時初入太廟而每事 云知之為知之不知為不知是知也謂即此便是也 問而尹氏之意則日孔子聖人無不知者也雖知

問關雅樂而不淫哀而不傷何如日只讀開雅之詩其 知亦問為敬謹則非也 若人之任情哀樂而遂失其正者也曰求之不得不 况每事詳審惟恐差錯則敬謹亦在其中但專以雖 也求之不得宜其憂然其憂也惟曰寤寐思服輾轉 其樂也惟日琴瑟友之鐘鼓樂之而已固不至於淫 理自見蓋后如之德宜配君子求之而得宜其樂然 反側而已固不至於傷也所謂發乎情止乎理義非

大巴日日 在

問辨録

达....

問成事不說遂事不諫既往不咎謂何曰哀公之問未 能無輾轉反側之憂求而得之宜其有琴瑟鐘鼓之 然否日宜樂固也然任其所樂能不淫乎宜憂固也 樂故其憂雖深而不害於和其樂雖盛而不失其正 樂而不過乃不淫也不傷者非宜憂而憂之謂憂而 然任其所憂能不傷乎蓋不淫者非宜樂而樂之謂 亦言其中節而已矣 不過乃不傷也夫中節謂之和不淫不傷當則而止

金岁口屋台書

問管仲之器小哉註云器小言其不知聖賢大學之道 是罪宰我否何以故曰縱使宰我失對亦止一言之 錯耳事固未成也何以日成事不說固未遂也何以 知何意宰我之對未知何意今觀夫子之言亦未知 道然否曰聖人識管仲之器小必有所指而未明言 故局量褊淺規模甲狹不能正身脩徳以致主於王 君子於其所不知蓋闕如也不可以强解也 日遂事不諫未成未遂固未往也何以日既往不咎

久已9 6 Action 1

九

金万口及石量 問樂其可知也是孔子正樂之功否日雅頌各得其所 或遂以器小為儉即明其非儉又以不儉為知禮即 遂泛解一器小以實之非惟未得聖人本旨抑亦昧 節奏之妙耳日成謂樂之一終然否日樂有篇章 關睢之亂洋洋乎盈耳哉乃是正樂之功此但言其 **乎闕如之訓矣** 又明其非知禮而所謂器小者卒未之言也乃後儒 次第其作也自始至卒篇章次第皆盡是為一終翕

問韶盡美又盡善武盡美未盡善何如日只讀舜典便 Dailored little 1 時事雖一字一句亦有翕純皦繹非謂自翕而純自 如此以成耳 純而皦自皦而繹以為樂之一終也日以成者蓋云 則翕如衆樂既作恐有乖亂故從之統如統則恐不 謂樂之一終請言之日一音不備不可以為樂故始 明白故又要够如够則恐有間斷故又要繹如此 純蝦繹止是節奏之妙非有篇章次第之可言也何 問辨録 干

然舜之德性之也又以揖遜而有天下武王之德反 實也然否日美是美善是善謂美為聲容之盛也則 之也又以征誅而有天下故其實有不同者然否曰 紹堯致治武王伐暴救民其功一也故其樂皆盡美 以皆盡美乎豈其實不然而其著見乃皆然乎曰舜 可謂善為美之實也則有盡善者有未盡善者而何 知韶只讀武成便知武日美者聲容之盛善者美之 紹堯致治即是揖遜而有天下伐暴救民即是征誅

多片四月全書

非行仁義者皆奏之於樂乎武王之德及之也豈其 德性之也豈其所謂濟哲文明允恭允塞由仁義行 美以征誅而有天下為樂之未善何所分别且舜之 者其樂備美者聲容之盛韶之與武聲容固皆盛也 所謂丹康有箴盤孟几杖有銘者皆奏之於樂乎然 而有天下為樂之善在武王者以伐暴救民為樂之 而有天下乃在舜者以紹堯致治為樂之美以揖遜 則何如日樂也者象成者也王者功成作樂其功大

問辨録

到戶四月在書 威中國久立於綴以待諸侯之至者皆昭著於聲容 然韶則象其如何而攝位如何而納揆如何而辭讓 四成而南國是疆五成而分周公左召公右六成復 馬故日盡善武則始而北出再成而滅商三成而南 九功之舞其氣象雅容廣大信有如天地之覆載者 如何而受終如何而命官致治如何而為九叙之歌 綴以崇天子所謂總干山立發揚蹈厲夾振駟伐盛 之間視韶之氣象則不同甚矣故曰未盡善蓋所以 卷三 大王司王 山上 武王出脫聖人之說不如此也孔子周人故於武王 則聖人之微意不復見於天下矣且只看舜與武王 盡善盡美傳武王之樂則未盡善耳何如日此乃為 各象其成者如此止是言揖遜征誅非言徳之性反 王稱夷齊而謂武未盡善皆微意也今又從而掩之 之事不欲明言而只一二微示其意如稱太伯稱文 也固不可以功言為盡美以德言為盡善也日伊川 云非是言武王之樂未盡善蓋言當時傳舜之樂則 問辨録

銀5四月分書 問居上不寬為禮不敬臨喪不哀吾何以觀之哉註云 果一般否則其樂自可知矣 即 其本則以何者觀其所行之得失哉然否曰又是畫 蛇添足夫寬也乃即寬以觀其居上之得失敬也乃 居上以寬為本為禮以敬為本臨丧以哀為本既無 之得失則是為寬為敬為哀固不若不寬不敬不哀 無責也意既深刻語亦沾滞聖人之言斷不如此 敬以觀其為禮之得失哀也乃即哀以觀其臨丧

欠已日月日 吾不欲觀之矣云爾即世人所謂如何看得上也 乃不敬哀者臨丧之體乃不哀吾何以觀之哉如曰 然則何如日寬者居上之體乃不寬敬者為禮之體 問辨録